

*A dì 15.* Scrito a Bortolo di Rossi capitano di San Vicenti in risposta di soe, di 5, debi custodir quel loco nostro etc.

*A dì 20.* Scrito al secretario a Milan, che per letere dil Christianissimo re, zoè di l'Orator nostro, par habi parlato a monsignor di Lutrech di la differentia di Ojo etc., qual ha dito scriveria si susedesse fino lui venisse a Milan.

*Item,* scrito ai rectori di Brexa, havendo inteso il podestà di Cremona haver mandato il suo vicario sora Ojo a tuor la nota etc., li avisemo quello avemo auto di Franza et scrito al secretario di Milan.

227\* *A dì 19 dito.* Scrito a Stefano et Guielmo di Grava, mercadanti in Anversa, chiamata *latine Antuerpia*, come si manda in una cassa bolada da esser consignada a l'orator nostro sier Francesco Corner el cavalier quando el sarà zonto de li, *videlicet* è panni di seda si manda a donar al Gran canzelier, *videlicet* veludi e rasi, *ut patet*, come fu preso in Pregadi.

*A dì 20.* Scrito a Palermo a sier Pelegrin Venier consolo nostro, havendo auto aviso di le galie di Barbaria di fuste, si prepara di turchi corsari, debi star oculato et avisar tutto quello el sente.

*A dì 21.* Scrito a Udene, li 45 orbi di Friul di la villa di Mozana si pagava a Padoa a quella camera è stentati aver i loro danari, perchè volemo siano pagati di la provision loro di ducati 2 al mese li a Udene di danari di le taxe.

*A dì 23 dito.* Scrito a Padoa, avendo per li Avogadori extraordinarii visto il conto di quello dia aver sier Orio Venier per li danari fo tolti per il Signor turco a Constantinopoli a li nostri mercadanti, resta aver ducati 216, grossi 21, soldi 16, pertanto volemo sia pagà li a Padoa di danari di le daie vechie.

*A dì 26.* Scrito al capitano di San Vicenti debi continuar al governo di quel castelo fin sarà cono-suto *de jure* di chi el dia esser.

*A dì 27.* Scrito ai rectori di Padoa, di certo merchado di far le mure di la terra con Mareo Gabriel di Pozi a raxon di pertege 8 . . . . al ducato, e poi scrito a pertege 9 1/2 si se dia concluder il merchado.

*A dì 27.* Scrito al Baylo e Capitano di Napoli di Romania e Consieri e sucessori, dovendo haver Nicolò da Nasin zereha ducati 700 per contadi di la sua provision, li fo dà per el Consejo di Pregadi per aversi ben portato di l'incendio dil Palazzo nostro in questa terra, la qual fo deputà pagar poi a la Cania, però volemo el si pagi a questa camera a ducati 16

a l'anno di conto vecchio, in page 4 a l'anno ducati 4 per paga.

*A dì 28.* Fo mandato per tutto sumarii di nove da Constantinopoli.

*Exemplum.*

228

*Conto di danari ordenarii da poter dispensar ogni mexe a li Camerlengi di comun per il Camerlengo è a la cassa.*

Il Serenissimo Principe ducati	250
A nove Consieri a ducati 6 al mexe . . . . . »	57
A tre sora i atti di Sora Gastaldi ducati 6 al mexe . . . . . »	18
A 6 Signori di note a ducati 12 per uno . . . . . »	72
A tre Zudexi di Petizion a ducati 10 per uno . . . . . »	30
A tre Camerlengi di Comun a ducati 9, grossi 9 per uno . . . . . »	28 L. — s. 16
A' salariadi di l'oficio scrivani, maseri, pesadori et fanti . . . . . »	54
A tre che prexe il marchexe di Mantoa a ducati 4 per uno . . . . . »	12
A do orbi da Russi a ducati 3 per uno . . . . . »	6
A 6 Cai di Sestier a de salario ducati 9 1/2 per uno al mexe, ma se li dà <i>solum</i> ducati 6 per uno . . . . . »	36
A tre Piovegi hanno ducati 6, grossi 6 per uno, se li dà ducati 5 . . . . . »	15
A V di la Paxe a ducati 7, grossi 22, se li dà ducati 6. . . . . »	30
A tre Zudexi di Examinador a ducati 9 1/2 se li dà ducati 6 . . . . . »	18
A tre Zudexi per le corte, a ducati 3 al mexe . . . . . »	9